



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Cautela Confessarii Pro Foro Sacramentali Occasione
Decretorum S. M. Alex. VII. Innoc. XI. Et Alexandri VIII. ...**

Matthaeucci, Augustín

Francofurti Ad Moenum, 1711

§. II. Obligatio eliciendi actum spei Theologicæ.

urn:nbn:de:hbz:466:1-40684

lo, ea suscipi non possint. Et Trid. Sef. 6. cap. 6. de justis. Est tunc necessarius actus fidei conducens ad excitandam voluntatem ad reliquos actus disponentes ad justificationem, timorem scilicet, spem, dolorem de peccatis, & amorem Dei; ille nimur quo creditur Deus esse justissimus Judge, misericors, infinitè bonus; quod Christus satisfecit pro nobis, & meruit omnibus gratiam, & gloriam sufficientem. Poncii Theol. disp. 35. q. 2. num. 8.

18. Formula eliciendi actum fidei eorum mysteriorum, quorum fides explicita est necessaria necessitate mediæ ad salutem.

Firmiter credo, quia Deus revelavit Ecclesie Catholice, esse unum Deum, & remuneratorem supernaturalem esse; ac tres esse divinas personas, Patrem, Filium, & Spiritum Sanctum, quarum qualibet est Deus; sed non sunt trii Dii, sed unus Deus; atque Filium propter nos esse hominem factum, mortem sustinuisse, & à mortuis resurrexisse. De quo etiam lib. 2. d. cap. 13.

§. II.

Obligatio eliciendi actum spei Theologica.

19. Utetur. Quando per se obliget præceptum negativum spei, hoc est, pro quo tempore homo tenetur non desperare, & non presumere.

Resp. Semper, & pro semper. Utrumque enim est ab intrinseco malum: Et proinde pro quovis momento prohibetur.

bitum, quia malum morale numquam operari licet.

20. Desperatione offenditur divina Misericordia, & Omnipotencia; quatenus, qui desperat, de illis diffidit amplius remissionem peccatorum, aut beatitudinem æternam, & media ad illam necessaria, à Deo non expectans; quasi Deus ea nolit, & non possit ea sibi conferre. Propter quod desperatio secundum defensionem opponitur spei. Nam sperans firmam fiduciam juxta illius promissionem à Deo beatitudinem, & cetera dona supernaturalia expectat; desperans vero, quia beatitudinem, & remissionem peccatorum sibi impossibilem apprehendit, ideo eas non expectat. Hinc etiam, qui desperat, injuriam facit fidelitati divinae, judicans in suis promissis Deum fidem non esse.

21. Præsumptione vero offenditur divina Justitia, quæ adultis decrevit dare gloriam, per merita ab eis auxilio gratia elicita: & gratiam sanctificantem, ac remissionem peccatorum conferre, præviis dispositionibus, quibus se divina gratia adjuti, ad eas se præparent, & disponant. Quare præludit, qui expectat gratiam sanctificantem, aut gloriam æternam ex se ipso, & naturæ sua virtibus consequi posse; vel, se ex sola divina misericordia consecuturum remissionem peccatorum sine ullo actu doloris, aut æternam beatitudinem sine ullis operibus divina gratia productis confidit. Consequenter præsumptio opponitur spei secundum excellum, quia spes expectat beatitudinem, & remissionem peccatorum modo, quo obtineri debet. Præsumptio

sumptio verò modo, quo obtineri non potest, & à Deo non praefixa.

22. Observandum cum Toleto l.4.c.

7. desperationem aliquando cum hæresi conjungi, ut si quis existimet, & pertinaciter sibi persuadeat, Deum aut nolle, aut non posse peccata commissa remittere, vel beatitudinem conferre. Pariter cum hæresi præsumptio conjungitur, si pertinaciter credas, te ad ultimum posse sine tuis meritis, vel cum solis meritis naturalibus salvare. Quod est in confessione specialiter declarandum. Confessarius enim ordinarius non potest à peccato desperationis, & presumptionis absolvere, quando cum hæresi non purè interna conjungitur, licet per se præsumptio, & desperationis alias non sint peccata Papæ reservata. Ut notavit etiam Campion. d. p. 2. cap.

nn 4.

23. Quæritur, quando perse, & direxit obliget præceptum affirmativum spei, hoc est, per animam beatitudinem?

Resp. Primo, statim ac homo usum rationis adeptus, sufficienter instruitur de rebus fidei, eique Deus, ut nostra beatitudo, & finis, ad quem bonis actibus tendere debet, proponitur. Layman. est. tract. 2. cap. 2. a num. 1. Mafstrius disp. 10. qu. 2. art. 1. num. 3. 5. Joan. de la Cruz direct. conscient. primum præceptum. art. 2. de spe; Quilici cit. art. 2. num. 2. Obligatio videtur fundari in debito colendi Deum, ut Bonum, Misericordem, & Omnipotentem, promittentem nos aliquando consecuturos beatitudinem, si usque in finem perseverabimus; quem sic colimus, dum ab ipso, bene operantes supernaturaliter, speramus. expectam usque beatitudinem, sic promissam; quod

ipse videtur exigere statim, ac nobis constat ipsum esse ultimum finem, & nostram beatitudinem.

Secundo. Quando urget gravis tentatio contra spem, quæ vinci non potest, nisi animum contrario actu Theologice ad Deum eleverit. Quilici, & Layman.

Tertio. In articulo Mortis, tūm ob tentationes desperationis, quæ tunc solent graviores infurgere; tūm quia id est tempus opportunitus, etiam per actum spei, accedendi ad Deum, ut ad nostrum ultimum finem, in quo maximè speranda est venia, & gloria.

Quarto. Ad minus sexies in anno; sed ceneo probabile ad minus semel in mente; quia videtur indignum homine fidelis, credente Deum proposuisse vitam aeternam bene operantibus usque in finem, integrum percurrere mensam, quia ipsam, sic propositam, ut minimum semel in eo, à Deo speret; hoc enim perinde est, ac ipsam beatitudinem per tempus notabile, judicio prudentum, parvi pendere; & revera Deo denegatur cultus, (qui exhibetur per actum spei) ipsum, ut bonum nostrum, non diligendo; quod esse non potest, absque gravi irreverentia in ipsum, & contemptu salutis, & licet ignorantia invincibilis, vel opposita opinio posset à peccato excusare, tamen diu deferriri non debet.

24. Quæritur, quare igitur Confessarii penitentes non interrogant, an tempore adducto, præcepto spei satisfecerint, nec penitentes se de omissione accusant?

Resp. Quia supponunt satisfecisse, & non tantum semel, sed, & frequentius in Mense

Mense actum spei elicuisse & vel, dum orant, sperando id, quod petunt; vel, dum de peccatis dolent, sperando à Deo veniam; vel, dum Conciones audiunt, & recitant Symbolum, sperando vitam æternam.

25. Quæritur, quando obliget per accidens, & indirecte?

Resp. Quoties præcipiuntur actus aliarum virtutum, qui sine actu spei Theologicae exerceri non possunt; sic, qui orat, tenetur sperare, quod petit; ne vaga sit oratio, sed Deo placens, debet juxta fiduci regulas esse conjuncta cum confidentia, & spe obtinendi, quod petit; qui dolet de peccatis, & verè paenitentiam agit, debet veniam sperare: qui accedit ad Deum, ut justificetur, tenetur sperare Deum sibi fore propitium, ut exprimit Trid. sess. 6. cap. 6. alia vide apud Lauræam tom. 4. disp. 4. de spe, & infra, lib. 3. cap. 1.

26. Formula elicendi actum spei Theologicae.

Deus meus, quia infinitè misericors, & Omnipotens, firmissime spero mercora D. N. Iesu Christi te mibi daturum beatitudinem eternam, si usque in finem bene cum tuo auxilio operabor & sic uerari, te auxiliante propono.

§. III.

Obligatio elicendi actum charitatis circa Deum.

27. Quæritur. Quando præceptum negativum charitatis de non odiendo Deum, & nihil agendo, quod eius dilectioni, & amicitiae repugnat per se, & directe obligat.

Resp. Semper, & pro semper. Nam semper est malum Deum offendere, & ipsum odio habere, ut patet ex terminis.

28. Quæritur. Quando præceptum affirmativum charitatis, & diligendi Deum super omnia per se, & directe obligat.

Resp. Primò. Cum quis primò veniens ad usum rationis sufficienter instruitur de mysteriis fidei, ac proponitur Deus ut bonum infinite amabilitatis, & præceptum de amando Deum super omnia, ut D. D. communiter. Id exigens infinita ejusdem amabilitas, & excellētia, ac innumera ab ipso in nos collata beneficia.

Secundò in morali periculo vite. Nam illud est tempus opportunitus, ut fidelis per actum amoris conjungat se Deo auctori suo, ne in æternum ab ipso, quem sequi sperat, separetur. Tum quia pro eo tempore tenetur suæ salutis tutò consulere; tutò autem sibi consulere non potest, quin eliciat actum charitatis Dei super omnia, quo Deum rebus omnibus creatis anteponat, & in Deum se convertat. Juvenit cit. cap. 4. art. 1. §. 3. conc. 2.

Tertiò. Frequenter intra annum, ita ut ad prudenter estimationem homini dū non sit, quin ad Deum per charitatis actum se convertat. Non enim fructu hoc tanti momenti præceptum à Christo dicitur primum, & maximum. Ideo que vel semel in mense, ut nihil est probabile, vel ad minus sexies in anno iuxta superioris dicta de præceptis fidei, & spei. Videtur enim per se valde ratione conforme, ut infinita amabilitas Dei per actum tanta excellentia super omnia diligatur. Maximè quia ingratum se præbet,